



89662

序

魯通甫孝廉以所作王右軍年譜見示而乞爲之序余細閱之其生卒之歲及與人書帖之年月非獨于張懷瓘黃長睿諸人有所糾正卽史傳之差誤亦因是而得之其用心可謂密矣夫古人不易言知也在善論其世而已于並世之人事相涉者得其先後本末而一人之先後本末可因以定矣朝政之得失人材之進退得其槪概而一人之升沉與意氣之盛衰可推而見矣考義之生平前則庾亮許其裁鑒後惟與殷浩相契獨深浩

右軍年譜

序

既用事深爲引重遂有馳驅關隴之志時朝廷方用浩以擬桓溫義之固知其非溫敵也然使浩不求度外之功自取覆敗溫雖內忿其因勢而抵巇亦不至若是速也浩敗于姚襄而溫之威名盛于平蜀廢浩之事行溫勢益專而廢立之禍見矣此義之所以深阻北伐之師而太息于殷生之見廢也誓墓之作當殷浩廢而王述代爲揚州之年豈非以同志摧阻不復有意于當世耶然非鈎校年月得其情事亦安知其非寔安江沱之人而以一藝名後世者哉吾故以通甫之用心爲不可及

也昔曾子固作臨川墨池記以爲羲之不可強以仕而
極東方出滄海又嘗徜徉肆恣而自休于此似未詳其
曾守臨川者則是譜也亦可補曾記之缺云咸豐五年
五月聊城楊以增序

右軍年譜

山陽魯一同編次

丁晉懷帝永嘉元年 羲之生

卷之三

本傳羲之卒年五十九不著所卒何年惟右軍集題

衛夫人筆陣圖後時年五十有三永和十四年四月

十三日書溯當生于惠帝光熙元年丙寅卒于哀帝

興甯二年甲子考永和盡于十二年不當有十四年

決為偽託不足據證

筆陣圖云之許見鍾繇梁鶴書之洛見蔡邕石經書時惟桓溫嘗一入洛旋即敗退逸少當官無軍旅之任不當無故遊踪至洛亦偽託之一證 羊欣筆陣

右軍年譜

圖則云羲之年三十三書蘭亭敘据此上推當生于

元帝太興四年辛巳其明年為永昌元年周顛已死

逸少裁及週歲何得有十三歲謁顛之事元敬親師

大令乃不悉其家世其所差繆至十餘年斯可怪焉

至唐張懷瓘作書斷始謂羲之升平五年卒則當生

于太安二年癸亥東觀餘論廣川書跋皆用其說然

考本集有桓公以江州還臺帖桓溫自江陵入朝乃

興甯二年七月事其移鎮姑孰則在興甯三年二月

于是固讓內錄遙領揚州故謂之還臺升平以前未

嘗有還臺事也再考郝曇卒于升平五年而郝愔傳載愔自曇卒益無處世意在郡優游與姊夫王羲之高士許詢俱棲心絕穀脩黃老之術世說又載右軍與王敬仁許立度並善二人亡後右軍爲議論更克孔巖誠之曰明府昔與王許周旋有情及逝沒之後無愼終之好民所不取詳其年月許後曇卒王又後許優游盛于當年周旋稱其疇昔進退相準不當與重熙同年殂謝稔矣又書斷載王洽升平三年卒年四十三按洽本傳升平二年卒年三十六王恬升平五年卒年三十

右軍年譜

二

六恬實洽兄既後凋年乃謝弟凡此之類牴牾甚明何必右軍獨爲可據相傳十七帖乃逸少與周益州歷代鑒別殆無異論中一帖云足下今年政七十一耶吾年垂耳順推之人理得爾以爲厚幸益州名撫鎮蜀二十年按史稱三十年考永和三年滅蜀下至興甯三年劣得二十年則三十爲未審卒于興甯三年六月据此則年垂耳順正五十九歲逸少之卒又不得至興甯三年之後矣故援證諸帖推尋紀傳斷以永嘉元年爲公生之歲是年琅琊王睿鎮建鄴按右軍父曠爲淮南太守元帝過江曠

首倡議與諸王相隨南渡推尋誓墓之文夙遊閔凶
不蒙過庭之訓母兄鞠育則曠當不究其年

戊辰二年 二歲

巳巳三年 三歲

午午四年 四歲

未辛五年 五歲是年琅琊王以王敦督諸軍

申壬 六歲是年天下無主 秦王業入長安

西癸 帝建興元年 七歲始學書見筆勢傳 是年懷

帝見弑太子業卽位于長安以琅琊王睿爲左丞相

右軍年譜

三

甲戌二年 八歲

乙亥三年 九歲

丙子四年 十歲是年劉曜陷長安帝出降丞相睿移檄

北征

丁丑元帝建武元年 十一歲是年丞相睿卽晉王位于

建康

戊寅大興元年 十二歲筆勢傳云羲之年十二見前代

筆論于曠枕中竊而讀之曠曰汝何來吾所數也羲

之笑而不答其母曰汝年幼小看用筆法未能曉解

縱獲父教恐復不能秘惜曠乃語羲之曰待汝成人
吾當授汝羲之拜曰願早授之使得成人已爲暮學
曠語以大綱羲之學功日進 又羲之年十二衛夫
人一見語太常王策曰此小見必見用筆訣也近觀
其書便有老成之智因流涕曰此子必蔽吾書名矣
卯二年 十三歲本傳羲之幼訥于言人未之奇年十
三嘗謁周顛顛察而異之時重牛心炙坐客未噉顛
先割啗羲之由是知名

庚辰三年 十四歲

石軍年譜

四

辛巳四年 十五歲

壬午永昌元年 十六歲是年徵郗鑒爲領軍將軍本

傳太尉郗鑒使門生求女婿于導導令就東廂徧觀

子弟門生歸謂鑒曰王氏諸少並佳然聞信至咸自

矜持惟一人在東牀坦腹食獨若不聞鑒曰此正佳

婿耶訪之乃羲之也遂以女妻之按郗鑒咸康四年

始爲太尉此乃追書之 王氏譜曰郗夫人名璿字

子房 是年王敦反寇長沙三月據石頭殺戴淵周

顛帝崩太子紹卽位王導輔政

明帝太甯元年 十七歲是年王敦移屯姑孰王導

爲司徒 本傳深爲從伯敦導所器重時陳雷阮裕

有重名爲敦主簿敦嘗謂羲之曰汝是吾家佳子弟

當不減阮主簿裕亦目羲之與王承王悅爲王氏三

少

甲申二年 十八歲是年敦復反帝親征之敦死封郗鑒

高平縣侯

乙酉三年 十九歲是年明帝崩太子衍立王導下壺庾

亮輔政

右軍年譜

五

丙戌成帝咸和元年 二十歲

丁亥二年 二十一歲是年十一月蘇峻祖約舉兵反

戊子三年 二十二歲是年溫嶠陶侃討峻斬之

己巳四年 二十三歲

庚寅五年 二十四歲是年陶侃鎮武昌

辛卯六年 二十五歲

壬辰七年 二十六歲

癸巳八年 二十七歲

甲午九年 二十八歲是年陶侃卒庾亮督江荆豫益梁

雍六州諸軍事進號征西將軍鎮武昌 本傳起家

秘書郎庾亮請爲參軍嘗以章草答庾亮亮弟翼深

加歎服因與書曰吾昔有伯英章草十紙過江顧狼

遂乃亡失常歎妙跡永絕忽見足下答家兄書煥若

神明頓還舊觀按逸少爲秘書郎不知在何時 晉

中興書義之自會稽王友改授臨川太守按此當在

爲秘書郎之後征西參軍之前史不具 世說王脩

齡問王長史我家臨川何如君家宛陵宛陵謂述也

按述傳康帝爲驃騎將軍召補功曹出爲宛陵令再

右軍年譜

按康帝紀咸和九年拜散騎常侍加驃騎將軍正庾

亮鎮武昌之歲想逸少爲臨川亦其時也

乙未 咸康元年 二十九歲

丙申 二年 三十歲

丁酉 三年 三十一歲

戊戌 四年 三十二歲是年王導爲丞相郗鑒爲太尉庾

亮爲司空 右軍集報殷浩書云吾素自無廊廟直

王丞相時果欲納吾誓不許之手跡猶存由來尙矣

按本紀是年六月改司徒爲丞相以太傅王導爲之

右軍書語謂此時也當琅琊渡江賴王氏以立國淮南首倡大謀茂宏處仲分筦內外領軍衛軍侍中光祿並居清要宗族羣從二十餘人參與朝列逸少其時裁作秘書郎會稽王友一守小郡去參征幕不樂廊廟發于信誓豈直棲心皓素澹懷圭組哉原王氏之盛也遭遇江左草創君臣綢繆悉心委託家門上下並蒙殊寵忠勤勲幹固有可言然而太陽至于降尊百僚議其私敬雖深自謙抑而有識固已懼矣永昌犯順訟導爲詞導之忠款中外共亮然而衅肇于

刁劉禍延于周戴推原心跡渠無介介平南逸少叔父忠雅素稱謙王之死親承逆愆比于錢沈有何殊異凡百舉動豈逸少之所趨哉曩令于湖遂其悖節京師盡其兵勢天下且以導虞爲能明目張膽不無賴而生乎屬金行未燿凶譏再夷成彼周召之勲無負顧託之重而門戶之見鞅鞅未除元規作鎮內不能平幾違嫌衅蓋孔門之論君子未仁積微成章積章成鉅微卻啟于障扇鉅釁成乎貽鳩將使官府爲之乖異賢戚因而喪心逸少慨然遠鑒託誠征府遠

彊盛之勢銷形跡之嫌內明素正之懷外藉調和之美可謂貞志淵識嶢然獨邁者也觀彼誓墓之文仰詠老氏周任之誠常恐斯亡無日憂及宗祀亦足明念亂之本懷識處躬之大節而世不容謂志在名山滄海是猶求焦明于薺澤喻義躍于槃爨烏足測其標舉睹其光潔者哉 世說庾太尉在武昌秋夜氣佳景清使吏殷浩王胡之之徒登南樓理詠音調始適聞函道中有屐聲甚厲定是庾公俄而率左右十許人步來諸賢欲起避之公徐曰諸君少住老子于

石軍年譜

八

此處興復不淺因便據胡牀與諸人詠譚竟坐甚得任樂後王逸少下與丞相言及此事丞相曰元規爾時風範不得不小顏逸少答曰惟邱壑獨存

己亥五年 三十三歲是年七月王導卒八月郗鑒卒

以庾冰爲揚州刺史督揚豫兗三州軍事冰辟謝安下邳縣敦逼赴召月餘告歸 謝安傳嘗與羲之共登冶城悠然遐想有高世之志羲之曰夏禹胙胙文王盱食今四郊多壘宜思自效而虛談廢務浮文妨要恐非當今所宜按史載此于安爲尙書僕射後時

義之已歿故當在此年也

庚子六年 三十四歲是年正月庾亮卒 本傳參庾亮

軍累遷長史亮臨終上疏稱義之清貴有裁鑒選甯遠將軍江州刺史

辛丑七年 三十五歲有敬倫帖按王劭字敬倫導弟五

子歷東陽太守吏部郎司徒左長史丹楊尹遷吏部尚書尚書左僕射領中領軍出爲建威將軍吳國內史帖云九月三日義之報敬倫遮諸人去晦祥禳情以酸割念卿傷切諸人豈可堪處按去晦者八月晦

右軍年譜

九

也導以五年七月庚申薨再期大祥逾月而禮故以七年八月晦日禱也遮當是小字導六子悅恬洽協

劭蒼次遮于敬倫遮豈蒼耶 又有遮何日西帖

又一帖庾雖疾篤謂必得治力豈圖凶問奄至痛惋

情深半年之中禍毒至此尋念相摧不能己已況弟

清當作情何可任遮等茶毒殆一作備 盡當可忍視言之

酸心奈何奈何按庾元規以六年正月薨距茂宏道

徽之歿相去半年茂宏逸少從伯國之宗祐道徽頌

翁元規府主並有知己之感故其辭氣悽酸如此蒼

爲茂宏幼子遮荼毒備盡常謂是矣

劉孝標新語注
曾別字小奴似

不當再字遮然王珣小字法護亦字阿瓜此之
兩字何不可耶 此帖當係六年以類附于此

王 八年 三十六歲是年帝崩琅耶王岳卽位

癸 卯 康帝建元元年 二十七歲是年詔議經略中原庚

翼移鎮襄陽有一昨得安西書帖 稚恭遂進鎮帖

按翼鎮荊州以石虎哀暴婁表北伐康帝及朝士皆

遣使警止帖云一昨得安西六日書無他無所知說

故不復付送讓都督表亦復常言耳則逸少所見之

表卽論北伐事稚恭此舉朝論異同故逸少亦謂常

石軍年譜

十

言及聞其遷襄陽乃言稚恭遂進鎮東西齊舉想尅

定有期則始同羣議而終以爲當然矣翼嘗遣使東

至遼東西到涼州要結二方欲同大舉慕容張駿並

請師期觀其廣農稻穀綏來招納之宜陳甲彎弧經

略深遠之致若天假之年奮其絕足乘石羯之內亂

屬兩隅之向風必當汎掃園陵廓清河朔豈與夫殷

淵源謝豫州同日而語哉逸少遠識洞鑒于殷謝勲

勲誠諫而深注安西期以尅定抑有繇已

甲 辰 二年

三十八歲獻之生

劉孝標世說新語注獻之
以太元十三年卒年四十

五書斷及東觀餘論云獻之太元十一年卒年四十三皆當生于此年 按法書要錄有

與郗家論婚書上云敢致書司空高平郗公足下下

云子敬少有清譽云云子敬生時距司空歿已六年

其爲僞託居然可見且書中稱謂乖錯脫謬前人了

無糾正斯爲疏矣 世說郗司空在北府桓宣武惡其居兵權謂郗方回也或據此謂論

婚書所云司空當指愔不知愔至太元中方徵爲司空不拜旋卒者愔之存時愔正作黃門侍郎臨海太守

是年以謝尚爲西中郎將督揚州之六郡諸軍事

豫州刺史假節鎮歷陽 秋帝崩太子昞卽位

己 穆帝永和元年 三十九歲是年詔會稽王昱錄尚

右軍年譜

上

書六條事 庾翼卒以徐州刺史桓溫爲安西將軍

都督荆司雍益梁甯六州諸軍事領南蠻校尉荊州

刺史

丙 二年 四十歲是年以左光祿大夫蔡謨領司徒錄

尚書六條事與會稽王昱輔政 三月以前司徒左

長史殷浩爲建武將軍揚州刺史 本傳羲之旣少

有美譽朝廷公卿皆愛其才器頗召爲侍郎吏部尚

書皆不就後授護國將軍又推遷不拜揚州刺史殷

浩素雅重之乃遺書曰悠悠者以足下出處足觀政

之隆替如吾等亦謂爲然至如足下出處正與隆替對豈可以一世之存亡必從足下從容之適義之報書略云若蒙驅使關隴巴蜀皆所不辭吾雖無專對之能直謹守時命宣國家威德故當不同于凡使必令遠近咸知朝廷留心于無外此所益殊不同居護軍也漢末使太傅馬日磾慰撫關東若不以吾輕微無所爲疑宜及初冬以行吾惟恭以待命卒用爲護軍逸少志存仇敵義在折衝向平婚嫁之志故是有託而逃而朝廷投之散職近是違材易務矣苦求外

右軍年譜

三

出不數年而棄郡優游東土豈其心乎 是年十一月桓溫率征虜將軍周撫等伐蜀帖云十四日諸問如昨云西有伐蜀意復是大事速送袍來

丁未三年

四十一歲是年桓溫克成都以周撫督梁州

諸軍事遷平西將軍益州刺史按右軍十七帖黃伯思以爲皆與周益州書楊慎四川總志載十七叩竹諸葛譙周山川諸奇講堂嚴君平鹽井八帖爲與周益州其旃薊胡桃帖亦似與益州也撫名父之子而爲王氏私人咸和初王導又嘗以撫爲從事中郎又

從溫嶠討平蘇峻咸和四年遷監沔北軍事鎮襄陽
明年石勒將郭敬率騎攻撫撫不能守率所領奔於
武昌坐免官尋遷建威將軍豫章太守後代母邱奧
蓋巴東諸軍事益州刺史尋進征虜將軍加督甯州
諸軍事永和初從溫伐蜀帖云十七日先書郗司馬
未去卽日得足下書爲慰郗司馬者謂郗曇簡文帝
以咸康六年進撫軍將軍引曇爲司馬此帖雖與益
州乃在未入蜀之前若撫旣入蜀曇不復爲撫軍司
馬且曇不得至蜀與書意未合也 一帖云往在都

右軍年譜

三

見諸葛顯曾具問蜀中事按草法或云是顯然考蜀
志有諸葛顯顯父攀攀父喬喬瑾次子也瞻未生前
瑾命喬入蜀爲亮後恪旣族攀仍後瑾至顯乃與瞻
孫京同移河東華陽國志云平蜀之明年移蜀大臣
宗預廖化諸葛顯等于東下至元帝建武元年蓋五
十四年右軍故及見之 此用安吳包氏說惟包氏以
平蜀明年至建武元年爲五
十二年誤一帖云朱處仁今所在往得其書信遂不取答
是時有龍驤將軍朱壽與撫同平益州處仁當其字
也 一帖云多分張念足下懸情武昌諸子亦多遠

宦足下兼懷按咸和五年陶侃鎮武昌九年卒庾亮
鎮武昌咸康六年卒庾翼鎮武昌撫奔武昌侃方在
鎮其遷建威監巴東刺益州正當二庾相繼作鎮時
逸少以咸和九年參庾亮軍事遷長史時必與撫周
旋所謂武昌諸子蓋征西幕中若殷淵源庾稚恭王
脩齡范立平之徒又孟嘉亦嘗在庾武昌幕孫盛嘗
爲庾公記室參軍爾時南樓獻詠才俊如林

安吳包氏十七

帖疏證武昌謂陶士行十七子九子舊史有名撫妹士行子婦也故云兼懷亦存一說

又亮子

右軍年譜

十四

奇之升平中代孔巖爲丹楊尹帖中所謂庾丹楊也

戊申四年

四十二歲是年以謝尙爲安西將軍加桓溫

征西大將軍 十二月寫樂毅論 按通鑿以逸少

爲護軍在此年

己酉五年 四十三歲是年四月石虎死子世嗣五月石

遵廢世而自立朝廷欲緩輯河洛以王胡之爲西中
郎將司州刺史假節胡之字脩齡故有風眩疾固辭
未行而卒有司州供給寥落帖 太常司州領軍諸
人帖帖云司州供給寥落去無期也不果者公私之

望無理或復是福云云是年六月桓溫屯安陸遣諸將討河北七月褚裒進彭城遣部將王龕李邁及石遵將李農戰於代陂王師敗績此云或復是福若先見矣 又適太常司州領或作鎮軍諸人廿五六書皆佳司州以爲平復此慶慶可言餘親親皆佳大奴比還吳也冀或見之按王彪之傳遷尙書僕射不拜徙太常領崇德衛尉 王洽字敬和導諸子中最知名弱冠歷散騎中書郎中軍長史司徒左長史建武將軍徵拜領軍 蒼字敬文除吏部郎侍中建威將軍

右軍年譜

五

吳國內史徵補中領軍不拜徙尙書領中護軍復爲征虜將軍吳國內史轉督浙江東五郡左將軍會稽內史進號鎮軍將軍据此諸傳則太常爲彪之司州爲胡之領軍爲洽王劭亦嘗領中領軍鎮軍則蒼又世說王敬倫風姿似父作侍中加授桓公公服從大門入桓公望之曰大奴固自有鳳毛大奴劭小字也 一帖云諸從並數有問粗平安惟脩載在遠音問不數懸情司州疾篤不果西公私可恨足下所云皆盡事勢吾無間然云云按此帖舊亦以爲與周益州脩載名者

之王廙之子胡之之弟爲鄱陽太守故云在遠此與
司州供給帖爲一時事矣 是年以荀羨爲使持節

監徐兗二州諸軍事北中郎將徐州刺史

庚戌六年 四十四歲是年正月加中軍將軍殷浩督揚

豫徐兗青五州軍事假節十二月免蔡謨爲庶人

辛亥七年 四十五歲自護軍出爲右軍將軍會稽內史

有辭郡帖 恭命帖 殊遇帖 會稽帖 此郡帖

凡在郡論事諸帖如上虞縣事諸暨餘姚諸帖皆是皆在後四年中

但不可殊晰耳 本傳爲會稽不著何年知者按王

右軍年譜

夫

述傳出補臨海太守遷建威將軍會稽內史母憂去

職服闋代殷浩爲揚州刺史穆帝紀永和十年二月

廢揚州刺史殷浩爲庶人以前會稽內史王述爲揚

州刺史據此上推則述之居憂去職當在今年逸少

代述故知爲會稽在此年也

壬子八年 四十六歲是年三月使北中郎將荀羨鎮淮

陰據帝紀按羨傳鎮淮陰下邳在免蔡謨之先當移前二年四月安西將軍謝尚

帥姚襄與張遇戰于許昌之誠橋王師敗績八月中

軍將軍殷浩帥眾北伐次泗口有諫殷浩北伐書此

木集
未載殷侯帖

癸丑九年 四十七歲是年三月三日與太原孫統等四

十一人脩禊於山陰之蘭亭揮豪製敘興樂而書用

蠶繭紙鼠須筆凡二十八行三百二十四字同時會

者司徒陳郡謝安司徒當作琅琊王友司徒左西屬陳郡謝萬

左司馬太原孫綽 行參軍徐豐之 前餘姚令

太原孫統 王凝之 王宿之 廣漢王彬之 王

徽之 陳郡袁嶠之以上並羲之十一人各散騎常

侍高平郗曇 前參軍王豐之 前上虞令華茂

右軍年譜

七

潁川庾友 鎮軍司馬虞說 郡功曹魏滂 郡五

官佐謝懌一作潁川庾繡 前中軍參軍孫嗣 行

參軍曹茂之 徐州西平曹華一作曹華平 滎陽桓偉

王元之 太原王蘊之 王渙之以上十五 侍郎謝

琨 鎮國大將軍掾卞迪 行參軍事印邱髦 王

獻之 行將軍羊模 參軍孔熾 參軍劉密 山

陰令虞谷 府功曹勞夷 府主簿后綿一作 前長

岑令華耆 前餘姚令謝滕 府主簿任儼一作 任

城呂系 任城呂本 彭城曹禮一作禮以上十六人詩不成罰酒三

巨觥按何延之蘭亭記又有釋
支遁今不在四十二人之數宋桑世昌蘭亭考引

李兼一條云羊欣筆陣圖云羲之年三十三書蘭亭
敘王師乾右軍祠堂碑云右軍自內史後峻嘗墳塋
捐棄龜組曲水蘭亭自爲之敘黃長睿東觀餘論云
永和十年右軍年三十八時已去會稽郡矣所記右
軍出處年歲皆不同晉書傳云羲之初渡浙江有終
焉之志會稽佳山水名士多居之嘗與同志讌集山
陰之蘭亭爲之敘以申其志如列傳則蘭亭之遊乃
右軍隱居時也兼按通鑑云永和四年殷浩以江州

右軍年譜

六

刺史王羲之爲護軍八年羲之遺殷浩書諫北伐十

年以前會稽太守

當作內史

王述爲揚州刺史十一年三

月羲之稱疾去郡以此推之永和九年其時爲會稽

內史無可疑者晉書旣脫略羊欣王師乾所記皆舛

黃長睿號該洽嘗跋右軍破羌帖云永和十二年去

會稽郡已歲餘此語良是至東觀餘論則自相牴牾

有不可解右軍生于惠帝太安二年癸亥歿于穆帝

五年辛酉蘭亭之遊時年正五十有一云云一同按

李氏此論亦仍舊說與書斷書跋皆同辨已見前至

謂黃氏自相牴牾則東觀餘論無永和十年右軍年
三十八之語循究晉書亦未嘗指蘭亭爲右軍隱居
時事且謂右軍卒于穆帝五年穆帝下脫升平二字
嫌是永和疏脫甚矣恐當誤後生故附辨于此書苑精華
載白雲先生筆訣未署云永和九年三月六日右將
軍王羲之記按羲之爲右軍將軍非右將軍晉有左
右前後四將軍又有左右前後四軍將軍四
將軍品高四軍將軍品卑此記恐未足據是年四
月以安西將軍謝尚爲尚書僕射有與尚書僕射謝
尚書本傳羲之爲會稽時東土饑荒輒開倉振貸
朝廷賦役繁重吳會尤甚羲之每上書爭之事多見

右軍年譜

十九

從又遺尚書僕射謝安書云云按逸少去會稽在永
和十一年三月此時謝安尚在東山安爲僕射在孝
武之初何得逸少尚存正爲謝尚固無疑焉 十月

中軍將軍殷浩進次山桑使平北將軍姚襄爲前鋒
襄叛反擊浩浩退保譙城十一月浩使劉啟王彬之
討襄復爲襄所敗有與會稽王嚴陳殷浩不宜北伐

又與殷浩書諫再舉北伐事

二書見本傳

又帖云得孔

彭祖十七日具問爲慰

孔彭祖名巖時爲殷浩揚州別駕

云襄徑還

蠡是反善之誠也于殷必得速還無復道路之憂又

云得豫章書爲慰想以具問昨得都十七日書賊徑還蠡臺不攻譙是其反善之誠也想殷生得過此者猶令人憂期諸處分猶未定羊參軍旦夕至也按晉書載記姚弋仲以永和七年遣使請降八年卒子襄南奔晉處襄于譙城遣五弟爲任單騎渡淮見豫州刺史謝尚於壽春尙去仗衛幅巾以待之一面交欵便若平生襄少有高名雄武冠世好學博通雅善談論殷浩憚其威名乃因襄諸弟頻遣刺客殺襄客皆推誠告實浩潛遣將軍魏憬襲襄斬憬而并其眾

右軍年譜

辛

浩惡之乃使將軍劉啟守譙遷襄于梁國蠡臺復遣謝萬討襄襄逆擊破之會聞關中有變浩率眾北伐襄乃要擊浩于山桑大敗之浩遣劉啟王彬之伐山桑襄擊滅之鼓行濟淮屯于盱眙遣使建鄴罪狀殷浩並自陳謝據此襄之背叛乃浩激成之浩力小任重駕馭乖方逸少深所歎惋至於再四其與會稽賤賂云願殿下更垂三思解而更張令殷浩苟羨還據合肥廣陵許昌譙郡梁彭城諸軍皆還保淮爲不可勝之基須根立勢舉謀之未晚與殷書云今軍破于

外資竭于內保淮之志非復所及莫過還保長江都
督將各復舊鎮自長江以外羈縻而已又云若猶以
前事爲未工故復求之于分外宇宙雖廣自容何所
反復開讐可謂極拳拳之忠謀而當時朝論務求度
外之功以抗拒上游連年喪敗公私騷驛卒使權臣
得所藉口東陽放廢事不由中太阿假于雄藩強枝
披其弱幹江左不振職此之由曩令簡文納其嘉謨
淵源捐其忿介將相和同無生嫌衅溫雖雄很未有
窺覷之漸也石氏內亂羌姚輸誠興復之機無逾此

日誠如逸少本謀先固根本因循所長然後撫輯士
眾招揖河洛連綴關輔縱不百勝規撫所及或未易
量卽萬萬不然亦未至離披若斯之甚也彼其言曰
今雖有可欣之會內求諸己而所憂乃重于所欣自
非聖人外甯必有內憂揆厥深衷此語當桓氏矣咸
康之始釁生于庾丞相之憂在殷桓小國多門斯
亡無日殷勳彌縫冀隆大業渡江名賢識此蓋鮮安
石少宏雅量遂隆孝武之業而洞達斯同勤實猶遂
率斯以談逸少卓犖偉抱政當于北土求之未知于

叔于輩何如耳過江以還所未有也 又有郡荒帖
斷酒帖 增運帖增運帖略云吾于時地甚卑疏
致言誠不易然以在大臣之末要爲居時任豈可坐
視危難今便極言于相並與殷謝書皆封示卿勿廣
宣之于人皆謂盡當今事宜直恐不能行耳相謂會
稽王殷謝書卽前書矣

甲寅

十年 四十八歲是年二月桓溫帥師伐關中 廢

殷浩爲庶人以前會稽內史王述爲揚州刺史有與
孔彭祖帖云殷廢責事便行也歎恨無已蓋浩廢後

右軍年譜

三

致孔歎吾謀不用卒至傾廢 四月桓溫及苻健子
萇戰于藍田大敗之 六月苻健將苻雄悉眾及溫
戰于白鹿原王師敗績九月糧盡引還有渭南帖
方軌帖按二帖似與桓公帖云二十三日發至長安
云渭南患無他然云苻健眾尙七萬苟及最近雖眾
由匹六耳卽今尅此一段不知歲終云何守之想勝
才宏之自有方耳又云賊勢可見此云方軌萬萬如
志但守之尙足令智者勞心此回書恒懷湯火處事
不易豈惟公道前書計當藍田克捷之先言賊眾不

足畏但克終爲難後書曰鹿原敗喪之先言方軌如志不足喜但使賊守險不戰尙足使智者勞心推尋事理良繇糧運不繼利在速戰不利持久此之料事亦云奇中元規賞其裁鑿豈虛語也

乙卯十一年 四十九歲三月稱病去郡有祭墓文 與

吏部郎謝萬書

按謝萬傳未嘗爲吏部郎史不具

羊參軍帖帖云今

又告誠先靈以文示足下感懷惻心蓋指誓墓文也

本傳時驃騎將軍王述與羲之齊名而羲之甚輕

之由是情好不協述先爲會稽以母喪居郡境羲之

右軍年譜

三

代述止一弔遂不重詣述每聞角聲謂羲之當候已

輒灑掃待之如是累年而竟不顧深以爲恨及爲揚

州刺史將就徵周行郡界而不過羲之臨發一別而

去先是羲之嘗謂賓友曰懷祖正當作尙書耳投老

可得僕射再求會稽便自逸然及述蒙顯授羲之恥

爲之下遣使詣朝延求分會稽爲越州行人失辭大

爲時賢所笑旣而內懷媿歎謂其諸子曰吾不減懷

祖而位遇懸邈當由汝等不及坦之故耶述後檢察

會稽郡辨其刑政主者疲于簡對羲之深恥之遂稱

病去郡于父母墓前自誓按此蓋前史之陋竊推心迹以爲不然逸少清夷宏粹澹于榮利何獨懷祖不能相容橫生嫌衅觀其本集有與王會稽借人書當時懷祖外惟彪之敬文嘗爲會稽乃其羣從兄弟不當云王會稽明爲懷祖蕃矣又一帖云懷祖可呼賀祭酒俱似與懷祖有所要約何云頓絕周旋哉當殷桓水火移書苦諫欲盡廉藹于屏風往事幾何不常明于責人懷祖雖頗傷燥急旣躋重位深用柔克無奔憤話面壁終日又何與逸少獨介介也且逸少以

右軍年譜

一

超世邁往之姿值始興當國以家門過盛深懷沈默淵源枋用舉爲護軍始週尙平之志欲馳驅關隴巴蜀宣國威于無外此之未展乃苦求小郡回翔而已會稽之授舍逸就勞固已非其本志曩令少改從容之適奮其才譽藉文獻之門伐倚高平之葭葦出征西之塵幕赴機蹈會不出數年可以超總大藩入參機要乃以投老之年與藍田區區計較榮位遷怒燕翼取笑時賢爲世林婆娑之事乎原其解組志非一朝中興以來處內外之任者非驕悍陸梁則虛廢迂

遠罔有深謀大度而疲竭根本欲以一隅經緯天下
既上游代有強翰朝廷軍食專倚東南賦役繁重饑
荒相仍觀其與仁祖陳說逋滯振荒斷酒務崇寬約
因循更始爲不可拔之計雖時獲允納猶十一不舉
懷祖繼以嚴峻苛察之政檢對煩複文符披猖而事
已屈于當權不能俯順同異重傷本懷茲所以深用
歎悔決不終日者也且其言曰若風教可宏令忠著
于上義行于下雖古之逸上亦將眷然觀頤舉厝君
子之道盡矣推原乃心可謂明白審矣夫載筆纂言

右軍年譜

五

非識罔濟蘭亭獻詠風流千載乃謂逸少自媿季倫
陋識謫言莫斯爲甚至如王濟癡叔時望歸之公輔
懷祖躁急初譽亦云沈靜載記之體蓋如斯乎 是
年進豫州刺史謝尚督并冀幽三州諸軍事鎮西將
軍鎮馬頭

丙辰

十二年 五十歲是年三月姚襄入于許昌以桓溫

爲征討大都督以討之八月溫及襄戰于伊水大敗
之襄走平陽使毛穆之等鎮洛陽 十月慕容恪攻
段龕于廣固荀羨救之有羌賊故在許下帖 九月

帖破羌帖 伏想清和帖 荀侯帖羌賊帖云昨
暮得無奔阿萬此月二日書甚近清和耳羌賊故在
許下自當了也桓公未有行日阿萬定缺吳興按此
帖當在是年三月桓溫受命征討之後無奔謂謝奕
時爲溫司馬阿萬謂謝萬時爲吳興太守 九日帖
者是年九月九日也時溫已破襄而書云久當至洛
告捷尙未至當陽六月九日書者溫自江陵北伐路
出當陽遲遲可憂者按溫北伐者三白鹿原之戰以
軍糧不屬而退枋頭之戰以軍糧竭盡而敗惟伊水

之戰僅而獲濟入洛之後不能久畱當亦糧運不繼
故爾蔡公者蔡謨也謨遷司徒不拜以許旨廢永和
十二年卒正當此時史不著卒月當在秋冬之際仁
祖委篤者溫平洛陽疏請謝尙爲都督司州諸軍事
將鎮洛陽病不行 破羌帖王略始及舊都及仁祖
小差云云正一時事 清和帖桓公十月末書爲慰
云所在荒甚可憂又在破羌帖後殷生數問北事勢
謂浩也想安西以至能數面不或云頓厯陽爾耶張
氏溥以安西爲庾稚恭竊謂得安西六日書爲庾安

西此乃謝安西也知者稚恭爲安西將軍時溫方爲
徐州刺史名望未著與書中稱桓公不合翼鎮襄陽
溫雖贊成其計未嘗相從共事又翼未嘗鎮歷陽故
知非庾安西也尙始以西中郎將豫州刺史鎮歷陽
溫欲有事中原使尙率眾向壽春進號安西永和
中拜尙書僕射出督江西淮南諸軍事鎮歷陽如故進
號鎮西鎮壽陽溫平洛陽請督司州將鎮洛陽以疾
病不行升平初卒於歷陽與此帖事正合 荀侯帖
遠近清和士人平安荀侯定住下邳復遣軍下城此

右軍年譜

三

間民事智愚長歎乃亦無所隱云云按荀羨初鎮下
邳在永和六年逸少未至會稽之先至十二年救段
龕不及復還下邳定住云者遙度未必之詞此間民
事此會稽也又有荀侯佳不帖 又得謝范六日書
帖 虞義興帖三帖皆言敗姚襄事 還鎮帖 官
舍帖 中夏感懷帖皆言謝仁祖事 又運民帖即
前所云運運可憂也按升平三年三月甲辰詔以比
年出軍糧運不繼王公以下十三戶借一人一年助
運所謂運民正當似此時逸少已去會稽而拳拳軍

國益信去郡非如論者云云矣 是年五月寫畫像
讚及黃庭經黃伯思東觀餘論云世傳黃庭真帖爲
逸少書僕嘗考之非也陶隱居真誥翼真論上清
眞經始末云晉哀帝興甯二年南嶽魏夫人所授弟
子司徒公府長史楊君使作隸字寫出以傳護軍長
史許君及子上計掾掾以付子黃民民以傳孔默後
爲王興先竊寫之始濟浙江遇風飄淪惟有黃庭一
篇得存蓋此經也逸少以穆帝升平五年卒是年歲
在辛酉此仍張氏舊說後三年卽興甯二年始降黃庭于世

右軍年譜

天

安得逸少豫書之又梁虞龢論書表及晉書本傳著
道士贈鷲事皆言道德經未嘗言寫黃庭也然陶隱
居與梁武帝啟云逸少有名之蹟不過數首黃庭勸
進告誓等不審猶有存否蓋此版在箸眞誥前未之

考耳至唐張懷瓘作書估云樂毅黃庭但得幾篇卽

爲國寶遂誤以爲逸少書云云

廣川書跋義之白寫黃庭投子敬不爲道

上書又云開元中陸元悌奉詔檢校言右軍眞行惟
有黃庭告誓知非楷字矣天寶末爲張通儒盜去莫
知所在迺知舊書不傳今所見者特後
世重搨耳摹不得其眞按此又一異說

駁之云伯思之論似若詳悉以子考之書黃庭經換

鷲與道德經換鷲白是兩事伯思謂黃庭之傳在右
軍死後此最失于詳審也道家有黃庭內景經黃庭
外景經及黃庭遁甲緣身經黃庭玉軸經世俗例稱
爲黃庭經內景經乃大道玉晨君所作扶桑大帝君
命陽谷神王傳魏夫人凡三十六章卽眞誥所言者
外景經三篇乃老君所作卽右軍所書者與魏夫人
所傳初不同予家舊藏右軍所書外景經石刻一卷
凡六十行末云永和十三年此當是二字之譌今年五
月二十五日在山陰縣寫與少歐陽集古錄目校之

與文忠所藏本同則右軍之寫黃庭甚曉然伯思謂
與梁武版在著眞誥之前此又曲爲之辨也予又嘗
于道藏中得務成子注外景經一卷有序云晉有道
士好黃庭之術意專書寫聞王右軍精于草隸而復
愛白鷲遂以數頭贈之得其妙翰張君房所進雲笈
七籤亦載此序此最爲的據也云云王氏琦李太白
詩注曰按白氏六帖王羲之嘗見山陰道士有羣鷲
求之乃邀右軍書黃庭經以換太平御覽引何法盛
晉中興書曰山陰有道士養羣鷲羲之意甚悅道士

云爲寫黃庭經當舉羣相贈仙傳拾遺山陰道士管
霄霞籠紅鷺一雙遺義之請書黃庭經卽謂仙傳拾
遺或出于僞撰白氏六帖所引又不著本自何書然
太平御覽所引晉中興書則晉史之先鞭也豈亦不
足信乎一曰按右軍黃庭梁陳以來更無異論伯思
首滋疑議鳳洲之駁球崖之辨詳哉允矣且如稽遂
良武平一徐浩韋述之流皆妙精鑒別親稟秘府中
禁西堂之晨億殿曝書之夕並睹眞跡簡記燦然隱
居啟事始謂黃庭告誓不審猶有存否後一啟卻云

右軍年譜

三

垂旨以黃庭像讚等諸文可更有出給理前猶疑似
之詞後則較然審矣當時年代匪遠內府實惜等於
球圖梁武精鑒好文黃庭最其烜赫必無僞謬者焉

丁巳升平元年 五十一歲是年五月謝尙卒以謝弈爲

使持節都督兗豫冀并四州軍事安西將軍豫州刺
史 七月苻堅將張平以并州降遂以爲并州刺史
十二月以太常王彪之爲尙書左僕射有旦夕都
邑動靜帖帖云州將桓公者按桓溫傳選尙南康公
主襲爵萬甯男除琅琊太守遷徐州刺史逸少琅琊

人故稱桓爲州將

舊以其時州將爲句殊未然

無奔外任數書問

無他者按謝奕傳從兄尙有德政旣卒爲西藩所思

朝議以奕立行有素必能嗣尙事乃遷都督豫兗冀

并四州軍事正謂此時仁祖日往

本集作日任非

言尋悲酸

者時仁祖卒已逾月

舊以此爲與周益州書亦無可證據

又一帖君頃

復何以散懷鐵云秋當解褐行復分張想君比爾快

爲樂彥仁書云仁祖家欲至蕪湖單弱令傳何所成

君書得載停郡迎喪甚事宜但異域之乖素已不可

言何時可得發鐵者安石之弟爲永嘉太守故云解

右軍年譜

三

褐仁祖卒於厯陽此言喪柩欲至蕪湖也 太常帖

云太常故患胛灸俞體中可耳僕射事已行以表讓

未知恕不此正指彪之由太常爲僕射事 是年慕

容雋徙都鄴帖云義興何似懸情慕容遂來據鄴可

深憂當此時也

戊

午二年 五十二歲是年三月慕容雋陷冀州諸郡詔

安西將軍謝奕北中郎將荀羨北伐 六月并州刺

史張平爲荀堅所逼帥眾三千奔于平陽堅追敗之

八月謝奕卒以吳興太守謝萬爲西中郎將持節

監司豫冀并四州諸軍事豫州刺史以散騎常侍郗曇爲北中郎將持節都督青冀幽五州軍事徐兗二州刺史 十二月北中郎將荀羨及慕容儁攻于山在敗績有與桓公牋 誠謝萬書按本傳萬受任北征矜豪傲物嘗以獻詠自高未嘗撫衆兄安深憂之自隊主將帥以下安無不慰勉謂萬曰汝爲元帥諸將宜數接對以悅其心豈有傲誕若斯而能濟事也萬不能從以至潰散萬雖才器雋秀早獲時名而綜物應務非其所堪逸少致牋宣武謂是違才易

右軍年譜

三

務其誠萬曰願君每與士之下者同甘則盡善矣食不二味居不重席此復何有而古人以爲美談濟否所出實在積小以致高大旨哉言乎古人命將應敵觀其辭氣舉動便知了濟進止尺寸之間儲材竹木之細昔桓公以竹馬而鄙淵源郝超以履屐而知幼度豈有居總統之任當一面之寄而邁往不屑欲以矜簡之韻驅策羣流欲無狼狽胡可幸也世說萬自壽春敗後與右軍書慚負宿願右軍答曰此禹湯之戒昔以虛談戒安今以積小規萬逸少之于二謝可

謂苦口利病用與不用便爲優劣者也 又一帖適
重熙書如此果爾乃甚可憂張平不立勢向河南者
不知諸侯何以當之熙表故未出不說說荀足下故
爾堪行想不成病耳吾至無賴行尅候疾患想當轉
佳耳若熙自勉此一役當可言淺見實不見今時兵
任可處理當在此時而本集失載按張平本石氏并
州刺史降苻秦爲大將軍冀州牧去年降晉據新冀
雁門西河太原上黨上郡夷夏十餘萬戶拜置征鎮
欲與燕秦爲敵國已而復降秦降燕蓋及復梟桀此
云不立勢向河南者恐其侵軼再按郝曇傳荀羨有
疾朝廷以曇爲羨軍司羨徵還始除北中郎將都督
刺史荀羨傳以疾篤解職後除右軍將軍加散騎常
侍讓不拜升平二年卒時年三十八據此則羨旣疾
篤始蒙徵還而以軍任授曇曇旣總統羨豈在軍而
本紀于升平二年十二月有北中郎將荀羨及慕容
雋戰于山莊一事此時羨當綿悞且久去軍中本紀
爲不核矣帖中荀足下故爾堪行想不成病正是指
羨疾篤徵還讓職不拜事豈有歲終月窮方與雋將

賈堅決戰之理當据以正木紀之誤

通鑑注引燕書及載記亦以山

燕之戰在升平二年十二月而疑八月蓋爲軍司未爲刺史然惟燕書繫此事于十二月而載記固未繫月也又羨傳卒後帝問之歎曰苟令則王敬和相繼凋落股肱腹心將復誰寄敬和亦二年卒則羨卒之年無可疑者疾篤解職後始除右軍望文生義固非旬月間事也

是年出王彪之爲會稽內史有向亦得萬書帖 賢室委頓帖云向

亦得萬書委曲備悉使人慨然見足下乃悉叔虎勉

昨發月半略略必至未見勞參軍 知賢室委頓何

以便爾甚助耿耿念勞心知得廿四日亦得叔虎廿

二日書云新年乃得發云云按晉書彪之字叔武唐

右軍年譜

書

人譁虎爲武武者謝萬也彪之傳簡文爲相以彪之

爲鎮軍將軍會稽內史居郡八年豪右斂迹以忤桓

溫免左降爲尚書頃之復爲僕射再按哀紀興甯三

年帝崩廢帝卽位是年冬以前會稽內史王彪之爲

尚書僕射据是上推八年當升平二年是彪之爲會

稽之年 溫免彪之在鎮姑孰之後亦興甯三年事所推皆同前一年冬十二月

以太常王彪之爲尚書僕射時羲之免郡家於會稽

故遲叔虎來也 王洽卒有羣從凋落將盡帖帖云

和方左右時務敬和洽字也

未^巳三年 五十三歲是年十月慕容儁寇東阿遣西中

郎將謝萬次下蔡北中郎將郝曇次高平以擊之王師敗績有萬石帖帖云適萬石去月五日書爲慰尋得彭祖送萬九日露版再破賊有所獲想足摧寇越逸之勢萬本傳無破賊事想亦嘗有小勝史不具耶

又一帖云云停雲子代萬頃桓公至今今苟臨淮權領其府雲子桓雲字蓋謝萬敗後欲使雲領其眾而不果苟臨淮名序苟崧之弟子權領事史無聞

庚申四年 五十四歲是年桓雲卒有雲子暴霍亂帖

右軍年譜

三五

謝安爲桓溫司馬有謝司馬帖 又一帖云上流近

問不竟何日卽路謝定出居內所宏故重按本傳萬

黜廢安始有仕進志年已四十餘矣安卒于太元十

年乙酉年六十六上推本年正得四十一歲謝萬敗

退正當上年之冬故知爲司馬在此年也居內所宏

故重者以謝才望當處朝廷而棄之征幕非逸少意

辛酉五年 五十五歲是年郝曇卒 二月以鎮軍將軍

范汪爲都督青兗徐冀幽五州諸軍事安北將軍徐

亮二州刺史有與謝萬書云若治風教可宏今當是令字

忠著于上義行于下雖古之逸士亦將眷然況下此
者觀頃舉厝君子之道盡矣今得護軍還君屈以仲
時立平頃命朝有君子噫然復謂有容足地常如前
者雖患九天不可階九地無所逃何論于世路萬石
僕雖不敏不能期之以道義豈苟且豈苟且若復以
此進退直是利動之徒耳所不忍爲按范汪傳汪字
立平辟司空郗鑿掾參征西庾亮軍事徵拜中書侍
郎桓溫代翼爲荊州以爲安西長史辭溫還京溫甚
恨焉簡文作相甚相親重除都督安北將軍據此逸

右軍年譜

卷五

少與玄平有幕僚之舊觀其諫翼北伐及不同桓宣
武信自守奇士朝有君子不其然乎率以忤溫廢爲
庶人又有范公帖 范生帖似皆謂玄平也

壬戌

哀帝隆和元年 五十六歲有賀表臣義之言伏惟

陛下天縱聖哲德齊二儀應期承運踐登大祚普天
率土莫不同慶臣抱疾遐外不獲隨例瞻望宸極屏
營一隅臣義之言按哀以琅玕入繼大統故表云然
若康帝奉顯宗命爲嗣與此表少不相應且其時逸
少方刺江州職在藩條何得云抱疾遐外也据此益

知卒於辛酉之說爲張氏臆斷也 又一帖得司州
十六日書諸疾患至憂之至深矣有斷未想桓公數
便亦知謝生大得情和至慰安以當至吳興遲見之
也按謝安傳桓溫請爲司馬溫當北征會萬病卒安
投牋求歸尋除吳興太守再考溫傳伊水戰後至隆
和初溫上疏欲還都洛陽卽謝傳所謂溫當北征時
也帖中司州謂謝萬萬監司豫故亦得稱司州非王
胡之之司州也諸疾患至謂萬病也謝生大得情和
溫喜安至歡笑竟日問左右曰頗嘗見我有如此客

右軍年譜

三

不意謂桓重安也以當至吳興者萬由吳興監司豫
安後復爲吳興太守故當以言爲家矣 又帖云間
眞長知吳興想必如意眞長謂劉惔惔妹爲謝安妻
此吳興謂安也

^梁興甯元年 五十七歲是年四月慕容暉寇滎陽五
月陷密城有慕容乃抄梁下帖

^甲子二年 五十八歲有桓公以江州還臺帖按興甯元
年加溫侍中夫司馬都督中外諸軍事二年五月以
溫爲揚州牧諭溫入朝不從七月復徵溫入朝八月

溫至楮圻又使餉書車灌止之溫遂居楮圻固讓內
錄遙領揚州明年三月移鎮姑孰江州還臺謂此時
也

乙丑三年五十九歲義之卒

右軍年譜

五

跋

嘗觀王右軍報殷浩書吾素自無廊廟直王丞相時
果欲內吾誓不許之及誦其誓慕之文遠維老氏周
任之誠意其爲人必且沖夷宏放棲心元邈與人事
漠不一接反復貫究它所訓答拳拳軍國之謀綜物
應務有不然者登冷城則戒虛談而黜浮文致會稽
則圖根立而謀終始至于郡荒蕪酒備形楮翰原其
本末右軍迺以卓識偉抱用小其材重以內憂方始
斯亡無日捐棄龜組東土優游固已非其心矣史氏

右軍年譜

跋

讚論未能綜核微隱而專美細素是猶廣附贅於七
尺誇榮輝於二曜徒中一己之私慕無當論古之豪
隲者也吾友魯君通甫博覽羣籍手披口畫十有餘
年蒼爲斯譜其鈎校年月糾定譌謬多搜古人之遁
義手以示余讀而偉之官事多暇詳加緝校贊其付
梓蓋旣以重右軍之爲人而因以歎通甫之先得我
心不使古人宏襟大用晦晦于無窮也咸豐五年仲
秋之月鉛山熊嘉澍書後



中國書店發行

定價 拾

1 1.00